

診以知政師古曰診視驗謂視其脈及色候也診音軫又音丈刃反漢興有倉公今其技術曖昧故論其書以序方技爲四種經醫
方房中大凡書六略三十八種五百九十六家萬三千二百六十九卷入三家五十一篇省兵十家

〔藤原家傳武智麻呂〕藤原左大臣諱武智麻呂略神龜元年略六月遷大納言略方士有吉田連
宜御立連吳明城上連眞立張福子等

〔日本書紀推古二十〕十年十月百濟僧觀勒來之仍貢曆本及天文地理書并遁甲方術之書也是時選
書生三四人以俾學習於觀勒矣陽胡史祖玉陳習曆法大友村主高聰學天文遁甲山背臣日並立
學方術皆學以成業

〔續日本紀元正八〕養老五年正月甲戌又詔曰文人武士國家所重醫卜方術古今斯崇宜擢於百僚之內
優遊學業堪爲師範者特加賞賜勸勵後生

〔日本書紀神代一〕一書曰大國主神亦名大物主神亦號國作大己貴命略中夫大己貴命與少彥名命戮
力一心經營天下復爲顯見蒼生及畜產則定其療病之方又爲攘鳥獸昆虫之災異則定其禁厭之法
是以百姓至今咸蒙恩賴

〔釋日本紀述十四義〕伊豫國風土記曰湯郡大穴持命見悔恥而宿奈毗古那命欲活而大分速見湯自下樋
持度來以宿奈毗古奈命而浴瀆者暫間有活起居然詠曰真慙寢哉踐健跡處今在湯中石上也凡湯
之貴奇不神世時耳於今世染疹痂萬生爲除病存身要藥也略下

〔古事記上〕其八十神各有欲婚稻羽之八上比賣之心共行稻羽時於大穴牟遲神負袋爲從者率往於
是到氣多之前時裸菟伏也爾八十神謂其菟云汝將爲者浴此海鹽當風吹而伏高山尾上故其菟從
八十神之教而伏爾其鹽隨乾其身皮悉風見吹拆故痛苦泣伏者略中於是大穴牟遲神教告其菟今
急往此水門以水洗汝身即取其水門之蒲黃敷散而輾轉其上者汝身如本膚必差故爲如教其身如
本也此稻羽之素菟者也略中故爾八十神怒欲殺大穴牟遲神共議而至伯伎國之手間山本云赤猪